

FEGL D'INFURMAZIUN

concernent la collavuraziun da las instituziuns da la scolaziun speziala
cun la cussegliaziun professiunala da l'assicuranza d'invaliditad (CP-AI) dal
Grischun

Prolungar la scolaziun speziala suenter avair ademplì l'obligaziun d'ir a
scola


1. Princip

Per scolaras e scolaras che adempleschan l'obligaziun d'ir a scola en il rom da la scolaziun speziala, exista la pussaivladad da frequentar ina scolaziun postobligatorica, sch'il basegn è cumprovà.

2. Cumpetenzas e proceder

Per la collavuraziun da las instituziuns e dals posts spezialisads da la scolaziun speziala (scolas spezialas) cun la cussegliaziun professiunala da l'assicuranza d'invaliditad (CP-AI) valan las [directivas concernent il scleriment, il rapport e la dumonda da mesiras pretensiusas da la pedagogia speziala](#) ch'enumereschan las incumbensas da las personas participadas, il proceder per il scleriment, il rapport e la dumonda sco er la documentaziun ed il process temporal.

Las suandantas midadas pertutgan mo ils process en la scolaziun speziala separativa en il sector **impediment**. A partir da l'onn da scola 2023/24 daventa il proceder pli simpel:



Illustraziun 1: Examinaziun da l'integrabilitad tras la cussegliaziun professiunala da la AI en il sector impediment.

En il rom dals discurs che han lieu en il decurs dal cumenzament da l'onn da scola tranter la cussegliaziun professiunala da la AI e las instituziuns da la scolaziun speziala en il sector impediment, vegni examinà, sch'igl è previsiblamain pussaivel d'integrar ina scolara un in scolar da scola speziala. Sche quai n'è betg il cas, vegni desistì d'in scleriment tras la cussegliaziun professiunala da la AI.

Sch'igl è previsiblamain pussaivel d'integrar ina scolara u in scolar, fa la cussegliaziun professiunala il scleriment.

Tar quellas scolaras e tar quels scolars, nua ch'igl è betg cler, sche l'integraziun vegn a reussir, fa la cussegliaziun professiunala da la AI in scleriment preliminar che maina a la decisiun, sche la cussegliaziun professiunala sto far in scleriment u betg.

3. Scleriment da la cussegliaziun professiunala sco tal

La premissa centrala per il scleriment da la cussegliaziun professiunala è l'annunzia precedenta a la AI tras las persunas responsablas per l'educaziun – en cas da basegn vegnan ellas sustegnidas da las scolas spezializadas – sco er ina dumonda per sclerir, sch'ina integraziun en ina professiun vegn probablamain a reussir, ed in rapport da promoziun actual (rapport da scola e d'assistenza) da la scola speziala. La CP-AI examinescha, sche la scolara u il scolar è madir per tscherner ina professiun ed en spezial, sche las schanzas per ina integraziun reussida en ina professiun pon vegnir meglieradas cun in'ulteriura scolaziun speziala. En cas da basegn han lieu discurs cun las persunas assicuradas, cun lur persunas responsablas per l'educaziun, cun las persunas d'instrucziun da la scola speziala sco er cun ulteriuras persunas partecipadas. En cas singuls pon er tests furnir resultats da scleriment nizzaivels. Sche la madiranza per tscherner ina professiun n'è betg avant maun, scriva la CP-AI – per mauns dal Servetsch psicologic da scola (SPS) – in rapport motivà correspondentamain e fa ina proposta cun ina recumandaziun per l'ulteriura scolaziun speziala (incl. motivaziun e durada da la mesira). Sche la madiranza per tscherner ina professiun è avant maun, vegn la CP-AI ad ademplir sia incumbensa en il rom da l'integraziun professiunala.

4. Process temporal

Per che las decisiuns concernent ina scolaziun speziala suent il temp da scola obligatoric possian vegnir prendidas a temp, q.v.d. avant il cumenzament dal 10avel onn da scola, ston vegnir observads ils termins per l'annunzia, per il scleriment e per la consegna da documents. En quest connex èn las scolas spezialas dumandadas en emprima lingia da resguardar il dumber dals onns gia absolvids da las scolaras e dals scolars en il rom dal temp da scola obligatoric, quai per che las personas responsablas per l'educaziun vegnian sustegnidas a temp en connex cun l'annunzia a la AI. Ils posts participads, ils pass necessaris sco er ils termins etablids tenor la pratica vegnan menziunads – per dar ina survista – en la tabella qua sutvart.

Tabella cun urari per la collavuraziun

Pass	Post cumpetent	Incumbensas	Termin	OS
1	Scola speziala	<i>scolaziun speziala integrativa:</i> organisar ed inoltrar l'annunzia d'invaliditad a l'assicuranza d'invaliditad	15 d'october	7.
2	Scola speziala	<i>scolaziun speziala separativa:</i> organisar ed inoltrar l'annunzia d'invaliditad a la AI	15 da december	8.
3	CP-AI cun scola speziala	<i>scolaziun speziala separativa (sectur impediment):</i> decisiun davart ina pussaivla integraziun resp. davart il scleriment preliminar necessari	30 da november	9.
4	Scola speziala	<i>sch'igl è probabel ch'ina integraziun reussescha, dentant la madiranza per tscherner ina professiun manca anc:</i> inoltrar las dumondas da scleriment respectivas ed ils rapports da promoziun actuals a la CP-AI – dumonda da sclerir, sch'igl è probabel ch'ina integraziun reussescha – USS - formular da dumonda per la scolaziun speziala – rapport da promoziun da l'instituziun da la scolaziun speziala sch'i n'è BETG probabel ch'ina integraziun reussescha: vinavant cun pass 6.	15 da december	
5	CP-AI	sclerir ed en cas da basegn trametter il «rapport e la dumonda da prolungar la scolaziun speziala» cun recumandaziun a l'instituziun	15 da favrer	
6	Scola speziala	trametter ils dossiers cumplets al post regional dal SPS	1. da mars	
7	Post regional dal SPS	sclerir ed en cas da basegn transferir il dossier cumplet ensemen cun in agen rapport e cun in'atgna proposta a la direcziun dal SPS	1. da matg	
8	Direcziun dal SPS	examinar ed inoltrar il dossier cumplet a l'uffizi	31 da matg	
9	USS	examinar ed en cas da basegn relaschar la disposiziun da scola speziala	1. d'avust	

5. Entrada en vigur

Quest feagl d'infurmaziun remplazza il feagl d'infurmaziun dal december 2017 e cumplettescha las directivas concernent il scleriment, il rapport e la dumonda da mesiras pretensiusas da la pedagogia speziala. El entra en vigur il 1. da settember 2023.

Cun la proxima revisiun da las directivas concernent il scleriment, il rapport e la dumonda da mesiras pretensiusas da la pedagogia speziala daventa il feagl d'infurmaziun qua avant maun obsolet. En il rom da la revisiun vegn la nova regulaziun concernent la collavuraziun da las instituziuns da la scolaziun speziala cun la cussegliaziun professiunala da l'assicuranza d'invaliditad (CP-AI) dal Grischun integrada tenor quest feagl d'infurmaziun en las directivas.

Cuira, avust 2023